

## Ndwenbet Cibloeg Hoihbo Gujlungz:

## Hozdung Angqhoh Fungsou Lai Yiengh Ndeiyawj

## 庆祝丰收活动精彩纷呈的八月十六古龙坡会

□ Hoz Fuyungz ingj Siabyungz hoiz



▲ Hawbo vunz lai raeuh, seiqlengj daeuj doxcomz.



▲ Mbauqsau angq diuq foux, vunzraeuz yawj maezmwd.



▲ Gaeb bya doxdax haeng, mbaenj bibi fungsou.



▲ Baengzyoux guekrog caemh daeuj comz, angqyangz cimz gwn gijgwn feih.



▲ Ngoenzciet hoengh baenz haw, vunz dajcawx lai raeuh.



▲ Gvaq ciet dou sim' angq, diegdangz doiq Fwenmyauz.

Moix bi liggaueq ndwenbet cibloeg, dwg hoihgeiz Hoihbo Gujlungz Yungzsuij Myauzcuz Swciyen Yanghfwnj Yangh. Ngoenz-neix, Yanghfwnj, Swyungz, Anhcuiz, Anh dai doenghgij yanghcin ndaw yienh neix gak cuz beixnuengx cungj caez comz daengz Bogujlungz, angqyangz dwk humx yawj max doxdik, boq Digmyauz gojlingz, doiq fwen, guhcaz daengj lai cungj lai yiengh vwnz dij minzcuz hozdung, doengzcae angqhoh fungsou.

Yanghfwnj Yangh miz Myauz, Yauz, Dung, Cuengh, Gun lai aen minzcuz comzyouq, mwh geizgonq Ciuhcengh miz boux gungswngn ndeu

vih coicaenh gak minzcuz yinzminz doxcae aeueiq doxgyaez, doxgiet doxhuz, youq bi 1902 nienz heuh gyoengq goenglaux gak cuz seiqhenz Yanghfwnj daeuj doxyaeng laebbaenz le Hoihbo Gujlungz, dieghoih dingh youq Bogujlungz, seizgan dingh youq moix bi ndwencieng cibloeg caeueq ndwenbet cibloeg faen song baez banh, ndwencieng banh dwg yawh hoh fungsou, ndwenbet banh dwg angqhoh fungsou. Baenzneix, moix bi song ngoenz neix, gyoengq vunzlai gak cuz gij mbanj seiqhenz Yanghfwnj cungj angqvauvau comz daengz Bogujlungz, angq gvaq ngoenzciet, itcig cienz daengz seizneix.

Dangdieg miz hot fwen ndeu dwg baenzneix eu: "Bibi bae bo daengz Gujlungz, seizcou haeuxgwn cang rimrd". Ndigah moix bi baez daengz ciet hoihbo, vunzlai gak cuz cungj foenxfoenx bae bo, baenz bang baenz gyoengq, daenj ndangdaenj minzcuz moqsupsup gak saek gak yiengh youh ndeiyawj, bin bya gvaq dah, comz daengz Bogujlungz, angqangq yangz-yangz guh gak cungj hozdung. Gyoengq vunz guh seng ei q iq gak dieg, caemh dawz dangz mak, huqcab doenghgij doxgaiq ngoenzyungh haenx buen hwnj gwnz bo gai, lij miz vunz baij dan gai faenj, ceizet daengj gijgwn haekfeih haenx.

Ngoenz haenx, mbanj Myauzcuz

ranzranz cungj naengj haeuxnaengj rangfwtfwt, baij laeujhaeuxcid caeueq byasoemj nohsoemj doenghgij byaek feih neix daeuj daihhek. Youq gwnz bo, gyoengq vunz eu fwen doiq fwen, humx yawj max doxdik, roeg doxdoj, gaeq doxdoj, foux saecej, vanzlij cet bo caeueq ring saz gijgwn dem, ciengzmienh angqyangz hoenghhd. Beixnuengx Myauzcuz moix bungz ciet hung cungj banh max doxdik hozdung, duzmax doxhaeb doxdik haenqrwd, gyoengq vunz humx yawj hemh ndei; youq gizdieg eu fwen doiq fwen, gyoengq vunz mbanj ndwn mbanj naengh, dingq dwk maezmwd, saekseiz cix angq dwk bek fwngz haenh ndei; gyoengq bouxcoz eu fwen engq daegbied, humx baenz gien baenz gvaengz, daegmbauq boq aen Digmyauz gojlingz, dahsau sing sepset rwenzred dwk riengz sing dig eu fwen, ciengzmienh doxgyaez doxndiep. Daihgya eu fwen ciengq go youh diuq foux, caenhcingz angqyangz, mbwn ciemhciemh laep lo, seizneix gwnz bo, gyang mbanj diemj feizdong hwnjdaej, rongh-cangcang ingj dwk gwnz naj gyoengq vunz ronghyabyab, vunzlai mbanj humx feizdong ciengq go diuq foux, angq dwk gwn noh ring yawj yienjheiq; mbanj haeuj mbanj guh hek, gwn laeuj gangjgoj; mbanj bouxcoz cix doxcomz naenghwnz, gangj gyaenz gangj ndiep.....



▲ Max doxdik doxdax caen ndeiyawj, gyoengq vunz bouxlawz mbouj hemq ndei.



▲ Yawj roeg doxdoj caemh mizyinx, gyoengq vunz humx dwk ndaetfwdfwd.



▲ Nandangdaenj Myauzcuz caen ndeiyawj, saek yiengh dawzsim youh habhoz.



▲ Bouxcawj "maxvuengz" angq lingx ciengj, mbiengj hingz mbiengj saw cungj angqyangz.